

近代中國史料叢刊第五十一輯

沈雲龍 主編

葵園自訂年譜

王先謙撰

文海出版社印行

王先謙自定年譜上

先謙 始祖諱霽江南上元人明正德間進士官
岳州府通判徙長沙爲縣人八傳至 玉符公諱
振璽乾隆乙丑明通進士澧州學正是爲 太高
祖乾隆丁酉拔貢歷任通道安鄉教諭 龍溪公
諱章是爲 高祖縣學生 名園公諱聲揚是爲
曾祖縣學生 峻齋公諱遠松是爲 祖父峻
齋公子三大伯父虎臣公諱用光二伯父直清公
諱近光 府君載之公諱錫光 載之公子四女
四皆 母鮑太夫人出道光九年己丑生大兄會

光緒戊申寒
黃澍王氏物

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



王先謙自定年譜上

先謙 始祖諱霽江南上元人明正德間進士官
岳州府通判徙長沙爲縣人八傳至 玉符公諱
振璽乾隆乙丑明通進士澧州學正是爲 太高
祖乾隆丁酉拔貢歷任通道安鄉教諭 龍溪公
諱章是爲 高祖縣學生 名園公諱聲揚是爲
曾祖縣學生 峻齋公諱遠松是爲 祖父峻
齋公子三大伯父虎臣公諱用光二伯父直清公
諱近光 府君載之公諱錫光 載之公子四女
四皆 母鮑太夫人出道光九年己丑生大兄會

庭公諱先和十一年辛卯生大女兒八閱月殤十三
年癸巳生二女兒十五年乙未生三女兒逾月殤
十七年丁酉生次兄敬吾公諱先惠

道光二十二年壬寅七月初一日子時先謙生

先是道光十二年峻齋公卒十五年大伯父虎
臣公卒家事惟府君獨任生計艱難每歲授徒
奉祖母雖日食不繼而家有餘歡生先謙時寓
省城營盤街

道光二十二年

八月... 備極艱劬遇救得活

道光二十四年甲辰三歲

道光二十五年乙巳四歲

是年六月四女弟生數日殤先謙始入家塾從大兄會庭公學

道光二十六年丙午五歲

道光二十七年丁未六歲

學爲詩文 是歲 府君命名曰先謙字曰益吾

道光二十八年戊申七歲

是歲五月 祖母曾太夫人卒

道光二十九年己酉八歲

是歲弟先恭禮吾生

道光三十年庚戌九歲

咸豐元年辛亥十歲

文始完篇自乙巳至辛亥皆大兄會庭公教授是歲十月大嫂吳宜人來歸

咸豐二年壬子十一歲

從縣學生閔浩齋先生

振翰

學

咸豐三年癸丑十二歲

是歲二月二女兄適善化候選知縣龔運昉五月避寇亂移居北鄉澇塘河大兄會庭公卒復移省

城從次兄敬吾公學

咸豐四年甲寅十三歲

始應童試是歲次兄敬吾公以府試冠軍入縣學

咸豐五年乙卯十四歲

從縣學生林子靜先生

樹榮

學是歲二嫂楊宜人

來歸

咸豐六年丙辰十五歲

從黃翰仙先生

錫燾

學先生善化人後以丁巳補

壬子乙卯科舉人官兵部主事改四川候補道是

歲次兄敬吾公補廩膳生

咸豐七年丁巳十六歲

應縣府試皆前列邑宰為原任永州府知府滿洲

廷芳字先生桂太守為原任雲南按察使河南倉

少坪先生景愉古試列第十名院試入縣學第十

二名學使為原任編修浙江張海門先生金鏞

是歲補壬子乙卯科鄉試薦未售房師為湖南候

補知府四川孫小峯先生桐生次兄敬吾公闈前

染疾出闈九日而卒

咸豐八年戊午十七歲

應鄉試未售 府君命在家授禮吾讀十月張夫

人來歸

咸豐九年己未十八歲

歲試一等第五名補廩膳生學使爲原任兵部侍

郎江夏胡筱泉先生

瑞瀾

是歲二月二伯父直

清公卒

咸豐十年庚申十九歲

科試一等第八名

咸豐十一年辛酉二十歲

二月十八日 府君卒 府君所爲古詩試帖詩

及詩文律賦存者無多陸續刊入家集及近人所

選刻諸集有詩義標準六十卷采自漢至明諸家
精粹之作分別義類綴以評論開示不孝兄弟至
爲詳切不孝於詩稍窺門徑皆 府君教也是編
府君晚年手錄憂傷困難血痕濡染每啟篋不
忍卒讀間有漏略亟圖蒐補付梓勉成先志適省
中重修湖南通志先棗 府君自序於第二百五
十八卷中略云詩之爲道不一人事盡之矣人事
不一倫紀盡之矣其在己身感時感事雜詩盡之
矣評古詠物其旁出也人不能外倫紀而別求所
謂正人卽不能外倫紀而別求所謂佳詩詩教莫

古於虞廷言志一語所謂志者君與臣言忠父與子言孝兄弟言友恭夫婦言節義朋友言信師弟言學戚族言親睦是也人無論何時何地皆當思有以自盡一命之士心存君國韋布之儒躬踐仁義無鄙俗之念無願外之思發而爲言自有安雅恬愉之致故未有志不正而能爲詩人者今取自漢迄明諸家詩采其精粹得若干首凡繫倫紀切己身者列爲內編詠古詠物爲外編區分子目附綴評論總六十卷命曰詩義標準聊示兒輩俾知詩之爲道與立身相表裏爲之者皆有扶世翼教

三
之責毋徒以風雲月露模山範水爲觀美也 府
君素有咯血疾自次兄卒傷感日甚遂致不起時
家徒壁立不孝卒櫻大故昏迷罔措偷生奉 母
餬口無資不得已於六月赴湖北武昌見父執胡
心泉先生先生與會庭公同學李禹臣謨薦入長
江水師嚮導營營官原任狼山鎮總兵王君吉聘
司書記是冬駐軍安慶

同治元年壬戌二十一歲

二月辭歸五月李慎堂春藻邀至永州旋歸十月

張大人卒

同治二年癸亥二十二歲

二月督辦陝南軍務原任江西布政使李公

桓延

入幕至湖北李公以病免余偕歸提督梁公

洪勝

募勇湘中延入幕偕往湖北

同治三年甲子二十三歲

在湖北軍中四月官軍敗績於天門之九真廟余

隨梁公帥敗卒突圍出奉總督檄移營斬水七月

歸里九月鄉試中式第四十名座主原任刑部尙

書謚文恪常熟龐寶生先生

鍾璠

原任禮部尙書

謚文恪壽陽祁子蘇先生

世長

房師原任興甯縣

知縣豐城萬虛谷先生 時若 十月周夫人來歸十

一月北上

同治四年乙丑二十四歲

會試中式第二百零名座主原任大學士謚文端黃

縣賈筠堂先生 楨 原任刑部尚書謚端恪譚竹崖

先生 廷襄 原任大學士謚文靖吉林寶佩蘅先生

壑 原任刑部尚書謚文端宛平桑伯儕先生 春榮

房師爲胡筱泉先生 瑞瀾 覆試二等第二十五名

殿試二甲第九十二名

朝考一等第四名引

見

欽點翰林院庶吉士大教習原任大學士謚文勤商城

周芝臺先生

祖培

原任大學士謚文端滿洲全小

汀先生

慶

小教習原任大學士漢軍徐蔭軒先生

桐

是歲

覃恩馳贈

祖峻齋公爲儒林郎

祖妣曾氏爲安人

府君載之公爲儒林郎

敕封

母鮑氏爲安人八月乞假南歸

同治五年丙寅二十五歲

是歲禮吾入縣學弟婦張恭人來歸十月周夫人

以產難卒十一月往江西

同治六年丁卯二十六歲

正月由江西歷浙江江南六月歸里九月由湖北
樊城北上

同治七年戊辰二十七歲

四月散館

欽定一等第六名引

見授職編修七月出京歷河南陝西至四川 是歲三
月二姪女媚祖生九月殤

同治八年己巳二十八歲

三月歸里六月偕禮吾赴粵行至樂昌 太夫人

命歸遂送弟還里八月由長江赴京

國史館協修

同治九年庚午二十九歲 是歲

簡放雲南鄉試副考官正考官爲四川長壽汪蓉洲編

修敘詩九月初一日抵滇入闈首題君子義以爲

上次題遠之則有望近之則不厭三題凡有四端

於我者知皆擴而充之矣若火之始然泉之始達

苟能充之足以保四海詩題賦得海色澂清映南

極得清字五言八韻得士楊高德等一百六十二

人副榜楊永芳等三十人榜後乞假三月省親十
二月歸里 是歲三姪女肇祖生

同治十年辛未三十歲

禮吾久病余續假三月以待三月禮吾卒五月弟
婦張恭人卒余以侍 母無人舉家北上自周夫
人卒中饋久虛奉 母命續娶六月李夫人來歸
七月迎 太夫人由長江達濟甯州乘輿至德州
河凍不能行先謙回京覆

命後除夕仍回德州侍 母

同治十一年壬申三十一歲

二月奉 太夫人抵京寓東北園五月初十日四
女娛祖生六月補

國史館纂修十月充本衙門撰文

覃恩貤贈大伯父虎臣公胞兄敬吾公俱爲奉政大夫
貤封大伯母郭氏嫂楊氏俱爲宜人 是歲七月刊漢
鏡歌釋文箋正成

同治十二年癸酉三十二歲

閏六月嫂吳宜人所撫大姪女蘭儀殤十一月補
功臣館纂修 是歲

覃恩晉贈 府君載之公爲奉政大夫

領封 母鮑氏爲宜人

贈二伯父直清公爲奉政大夫二伯母唐氏爲宜人

胞兄會庭公爲奉政大夫

贈封嫂吳氏爲宜人

同治十三年甲戌三十三歲

正月四女娛祖殤二月移居虎坊橋東三姪女肇

祖殤三月充會試同考官得士陳光煦等十九人

十月初十日五女順祖生

光緒元年乙亥三十四歲

正月初八日大男榮祖生二月大伯母郭宜人卒

四月

大考題爲進善旌賦

以光啟帝道輝映天衢爲韻

所寶

惟賢論賦得十風五雨歲豐穰

得豐字七言八韻

欽定二等第五名

擢補右中允五月充

實錄館協修是月大嫂吳宜人卒六月

簡放江西

恩科鄉試正考官副考官爲廣東番禺潘嶧琴編修衍

桐

八月入闈首題不知命無以爲君子也次題思

修身不可以不事親思事親不可以不知人三題

舜人也我亦人也舜爲法於天下可傳於後世我

由未免爲鄉人也詩題賦得蘆荻花中一點燈

得

中字五言八韻

得士涂官俊等一百三十九人副

榜喻浚明等一十八人差竣回京十一月二十五

日六女慧祖生 是歲

覃恩晉贈 祖考峻齋公爲朝議大夫 祖妣曾氏爲

恭人 府君載之公爲朝議大夫

晉封 母鮑氏爲恭人 贈元配張氏繼室周氏俱爲

恭人

光緒二年丙子三十五歲

二月補

國史館總纂三月

派文淵閣校理五月大男榮祖殤六月

簡放浙江鄉試副考官正考官爲廣東南海潘蓮舫光

少

斯濂

八月入闈首題君子不可小知而可大受

也次題序爵所以辨貴賤也序事所以辨賢也三

題非聖人而能若是乎而況於親炙之者乎詩題

賦得荷花夜開風露香

荷香字五言八韻

得士戈

桂馨等一百四人副榜朱霖瑞等十八人差竣回

京十一月十二日七女昭祖生十二月補

三
寶錄館纂修兼充總校

光緒三年丁丑三十六歲

正月轉補左中允八月奏派纂修

穆宗毅皇帝聖訓九月

寶錄館全書過半總裁奏請議敘尤爲出力人員得

旨爲事府左中允王先謙著遇有侍讀缺出開列在前

並賞加四品銜欽此十二月五女順祖殤

光緒四年戊寅三十七歲

四月初四日次男壽祖生七女昭祖殤十二月升

補司經局洗馬

光緒五年己卯三十八歲

五月初一日升補翰林院侍講初十日奉

旨充補日講起居注官

六月初十日次男壽祖殤 十七日奏言路宜防

流弊請

旨飭諭以肅政體摺疏云爲言路宜防流弊請

旨飭諭以肅政體事

臣

惟圖治貴協於中除弊宜杜其

漸方今

聖人在上孜孜求治言路宏開誠明目達聰之盛軌也

然其中流弊不可不防伏查乾隆八年七月給事

三
中臣鄒一桂奏近見奉

旨發議之事科道於部議未上之先攙越瀆陳徒滋繁擾
應請申飭奉

上諭科道職司言路凡有見聞自應陳奏但如鄒一桂所
稱攙越瀆陳則大不可嗣後遇有發交部議事件
如科道不待部覆參差具奏者該部於議覆本內
將伊等意見參差之處聲明請旨十年六月御史
臣范廷楷參奏御史臣楊朝鼎前奏豫省失盜一
摺奉

上諭楊朝鼎所奏現在交議大臣等自有持平之論如果

所議准行范廷楷據伊意見以爲必不可行再行
陳奏未遲亦未爲不可所謂拾遺補闕自有其時
也今乃於甫經交議之際急於參奏負氣紛爭爲
此過甚之語誠如一桂從前所云不待部覆而據
拾浮囂攙越瀆陳者朕早已降旨禁約范廷楷獨
不知之乎至於請朕撤回原摺無庸交議竟似國
家政務弗資六卿皆伊等御史可以操其行止者
甚屬妄誕著嚴飭行欽此

聖訓煌煌所當永遠敬守乃近來諸臣言事頗有攙越瀆

陳者臣竊謂今日

朝廷虛懷采納兼聽並觀如前月給事中臣王昕參

奏朱永康一案係在部臣定讞之後雖

明旨已降弗憚更張豈不足以彰臣下納誨之忠

聖主從諫如流之美若不待部覆率爾陳詞有乖入告

之體似宜

飭禁又思臣工建言原應各抒己見若待他人舉發而

後從之此唱彼和流弊滋多如近日翰林院侍講

臣張佩綸御史臣李璠參奏商人李鍾銘一案就

本事言之李鍾銘係不安本分之市僧法所必懲

就政體言之則兩人先後條陳雖心實無他而迹

涉朋比此事僅爲劾一商人不足深論但恐後來者踵習成風黨援攻訐之端將由此啟於

朝政殊有關繫伏讀

世宗憲皇帝御製朋黨論深切著明

高宗純皇帝於朝臣黨援之弊再三申諭乾隆九年二月
給事中臣陳大玠鄒一桂參奏署湖北巡撫許容
不宜復用雖

允其請仍以兩人所奏相合顯有商謀扶同之處明白

飭諭

聖意至深遠也臣以爲言路不可不開亦不宜太雜可否

請

旨飭諭俾諸臣曉然於

祖宗成訓萬世懷遵使正論常伸隱患自絕庶幾受開言
路之益而無其弊臣愚昧之見是否有當伏乞

皇太后

皇上聖鑒訓示謹 奏 十九日奏徐之銘情罪重大
請

嚴旨查辦摺疏云爲已故革員情罪重大請
嚴旨查辦以彰

國法事臣惟今古治平之要首在刑賞得宜

朝廷寬大之恩豈爲僉王而設查已革雲南巡撫徐之銘於咸豐八年在滇臬任內帶練勦辦東路回匪沐成林等蒙

文宗顯皇帝天高地厚之恩錄其微勞

賞花翎布政使銜

命護理巡撫旋卽實授其時回逆尙未大肆鴟張不難撲滅詎徐之銘到任後頓易前轍惟恣其奸貪置要務於不理遂至叛亂四起不可收拾徐之銘始則縱回以虐民繼且挾回以自重

朝廷諭旨臆敢視若弁髦陳奏欺罔一無足據